



Republika e Kosovës / Republic of Kosova
Komuna - Municipality
Hani i Elezit



01/Nr. 3387/2023
Data: 18.04.2023

PROCESVERBAL I KUVENDIT TË KOMUNËS

Procesverbali nga mbledhja e tretë -III- e Kuvendit të Komunës, mbajtur me datë 30.03.2023 me fillim pune në ora 11:00 në sallën e Kuvendit të Komunës. Të pranishëm ishin: **Mehmet Ballazhi** (Kryetar i Komunës), **Natyra Kalisi** (Drejtoresh e Administratës), **Majlinda Kaloshi** (Drejtoresh për Zhvillim Ekonomik), **Kimete Kuka -Hasallari** (Drejtoreshë për Shëndetësi dhe Mirëqenie Sociale), **Nexhmedin Daci** (Drejtor për Urbanizëm Kadastër dhe Mbrojtje të Mjedisit), **Lindita Ballazhi** (Drejtoresh për Buxhet dhe Financa), **Hisni Luri** (Drejtor për Arsim, Kulturë, Rini dhe Sport), **Arsim Dernjani** (Drejtor për Shërbime Publike dhe Emergjencë), Përfaqësuesi i OSB-së, **Ajete Berisha** (Udhëheqëse e Personelit), **Sara Berisha** (Asistente e Kryesuesit të Kuvendit të Komunës). Kryesuesi pasi konstatoi prezencën e anëtarëve të kuvendit, konstatoi se nuk mungon asnjë anëtarë i Kuvendit të Komunës.

RENDI I PUNËS

1. Miratimi i procesverbalit nga mbledhja e kaluar.
2. Propozim vendim për formimin e komisionit për plotësimin dhe ndryshimin e Statutit të Komunës.
3. Rregullorja për Menaxhimin e Mbeturinave në Komunën e Hanit të Elezit.
4. Raporti i progresit të zbatimit të rekomandimeve të auditorit për vitin 2021.
5. Raporti i punës së komitetit për komunitete për vitin 2022.
6. Raporti i punës së katër komiteteve konsultative për vitin 2022.
7. Propozim vendim për miratimin e iniciativës për bashkëpunim ndërkomunal ndërmjet komunave të regjionit Gjilanit dhe Ferizajt në fushën e menaxhimit të integruar të mbeturinave.
8. Propozim vendim për shpalljen me interes të përgjithshëm të parcelave kadastrale.
9. Informatë për aktivitetet e këshillit komunal për siguri në bashkësi për vitin 2022.
10. Informatë për aktivitetet e këshillave të fshatrave të komunës së Hanit të Elezit për vitin 2022.
11. Të ndryshme.

Kryesuesi thekson:- për pikat e rendit të punës hapi diskutimin, nëse nuk ka e hedh në votim; rezultati i votimit ishte njëzëri.

U MIRATUA RENDI I PUNËS

1. Miratimi i procesverbalit nga mbledhja e kaluar.

Kryesuesi thekson:- a keni ndonjë vërejtje rreth procesverbalit, nëse nuk ka e hedh në votim; rezultati i votimit ishte njëzëri.

U MIRATUAR PROCESVERBALI NGA MBLEDHJA E KALUAR

2. Propozim vendim për formimin e komisionit për plotësimin dhe ndryshimin e Statutit të Komunës.

Kryesuesi thekson:- për këtë pikë të rendit të punës hapi diskutimin.

Hisni Luri thekson:- ne kemi kërkuar që të ndahet drejtoria e arsimit veçmas nga kultura rinia dhe sporti për shkak të funksionalizimit të qendrës së kulturës sepse po e kemi të pa mundur me funksionalizuar në mënyrën e duhur për shkak të angazhimeve të shumta që janë te pjesa e kulturës që janë të përfshira OJQ-të, Sportet . Nëse mbahet ndarja do të bëhet një menaxhim më i mirë i Shtëpisë së Kulturës dhe aktivitete kulturore që bëhen . Për me qenë më efikase drejtoria e arsimit po e shohim si me urgjencë ndarjen e kësaj drejtorie.

Hyriete Isufi thekson:- a janë bërë planet se si ka me funksionuar sepse sa më shumë të ndahen punët dihet se kush është përgjegjës i një pune dhe punët kryhen më mirë .

Zaim Bela thekson:- a do të bëhet drejtori në veti apo do të shtohet një sektorë për Rini, Sport dhe Kulturë apo do të jetë drejtori në veti për shkak se duhet ta ketë stafin e vetë . Unë propozojë që më mirë të caktohet një zyrtarë që me u marr vetëm me ato aktivitete se me shtuar drejtori për shkak se si komunë e vogël po na bëhen nëntë drejtori e ndoshta na behet e tepërt

Refet Kalisi thekson:- propozimet që ishin dhënë për këtë drejtori shihet e kishte kompetenca të mëdha por kërkoj sqarim për çështje të buxhetit .

Resul Suma thekson:- a e keni shikuar çështjen e ligjshmërisë dhe kur planifikohet të hynë në fuqi.

Mehmet Ballazhi thekson:- nuk është çështje e punësimit por është një drejtori që e ka një individ të caktuar dhe kjo bëhet me buxhetin e vitit të ardhshëm më të cilën në aspekt ligjorë jemi konsultuar dhe jam i bindur që ka me funksionuar më shumë se kur është bashkë . Për me bërë sektor këtë drejtori nuk na lejohet për shkak se kemi numër të kufizuar të stafit dhe kjo është mënyra që për me ndarë si drejtorie që është brenda Ligjit por me këtë ndryshime statutare që mendoj që ka me funksionuar më mirë se është tash.

Hisni Luri thekson:- ne po planifikojmë me i bërë ndryshimet në mënyrë që vitin e ardhshëm me i planifikuar mjetet financiare edhe për këtë drejtori.

Kryesuesi thekson:- a keni edhe ndonjë diskutim për këtë pikë të rendit të punës, nëse nuk ka e hedh në votim; rezultati i votimit ishte njëzëri.

U MIRATUA PROPOZIMI PËR FORMIMIN E KOMISIONIT PËR PLOTËSIMIN DHE NDRYSHIMIN E STATUTIT TË KOMUNËS

3.Rregullorja për Menaxhimin e Mbeturinave në Komunën e Hanit të Elezit.

Kryesuesi thekson:- materialin e keni para vetës dhe nëse keni ndonjë diskutim mund të parashtroni.

Arsim Dernjani thekson:- kemi bërë një analizë me kompaninë NPL Pastrimi dhe kemi ardhur në përfundim që të propozojmë për një ngritje prej 30% për shkak të çmimeve që janë rritur duke filluar prej derivateve, deponia dhe çmimet e tjera.

Hyriete Isufi thekson:- kur planifikohet me u zbatuar ngritja.

Mehmet Ballazhi thekson:- kemi pasur takime edhe në nivel të kryetarëve për menaxhimin e mbeturinave dhe jemi të fundit që po e bëjmë këtë ngritje të çmimeve dhe kjo është propozuar për shkak të ngritjeve të çmimeve të deponisë dhe shpenzimet të cilat janë për nevojat e kompanisë . Komunitetet tjera ngritje kanë bërë më shumë por ne kemi shkuar në minimum. Në fuqi rregullorja hynë nga momenti që na konfirmohet ligjshmëria nga Ministria e Administrimit të Pushtetit Lokal.

Sherif Berisha thekson:- sa i përket rregullores për menaxhimin e mbeturinave qëndrimi i Lëvizjes Vetëvendosje është që çmimi të mbetet pesë euro por edhe në komitet për Politikë e Financa kam kërkuar që me ju ngritur pagat punëtorëve të kompanisë Pastrimi.

Mehmet Ballazhi thekson:- ne nuk po bëjmë politikë këtu për shkak se jemi të gjithë qytetarë këtu që kemi me i paguar ato taksa e që edhe unë jam njëri prej atyre dhe ne kemi hezituar dhe rezistuar që mos me i ngritë e ndoshta mund ta zvogëlojmë por nuk do të jetë funksionale kompania për menaxhimin e mbeturinave edhe pse komuna e mbështetë me subvencione për shërbime , mirëpo është e domosdoshme sepse nga një herë nuk varet shumë prej neve por varet prej kompanisë regjionale ku bëhet grumbullimi i mbeturinave. Ngritjen e pagave të NPL Pastrimi është bordi që e përcakton në bazë të të hyrave sepse komuna nuk ndërhyrë në rritje të pagave pavarësisht se jemi themelues si kuvendë.

Resul Suma thekson:- ngritja e çmimeve në shumë prej 30 % mu dukë që është shumë dhe llogaritjet të cilat i kam bërë të plani për menaxhimin e mbeturinave për vitin 2023-2027 del që janë 1446 ekonomi familjare dhe nëse llogaritet në shumë prej pesë euro del që është 86 760 € , ndërsa nëse llogaritet nga 6.50 € del që është 112 800 € që i bien një dallim në shumë prej 26 000 € dhe nëse i dëmtojmë qytetarët me këtë shumë nuk më duket që është e arsyeshme.

Kryesuesi thekson:- të gjithë jemi që mos me u ngritur , mirëpo duke i parë rrethana që ka ngritje të çmimeve të derivateve, ngritje të çmimit të deponisë dhe unë mendoj se është minimumi i kësaj ngritje të çmimit.

Mehmet Ballazhi thekson:- nëse është llogaritur se sa mjete financiare grumbullohen duhet të llogaritet edhe sa shpenzohet në tonë për deponin që dërgohen mbeturinat pastaj çështja e derivateve. U diskutua çështja e ngritjes së pagave edhe kompani e ka një plan të biznesit për këtë çështje dhe jemi dëshmitarë në Komunë e Hanit të Elezit që menaxhimi i mbeturinave po bëhet në mënyrën më të mundshme dhe është shumë më mirë se në komunitetet tjera.

Refet Kalisi thekson:- sa i përket çmimit për mbeturinat unë do të votoj pro këtij që të bëhet ngritja sepse nëse nuk bëhet ngritja e çmimeve nuk mundet me funksionuar kompania.

Nora Xhoni thekson:- e di që qytetari nuk duhet të dëmtohet por për 1.50 € me u diskutuar katërdhjetë minuta dhe ju e dini të gjithë që paga na u ngritë dhe ndryshime kanë ndodhur dhe u dhanë arsyetimet për çështjen e ngritjes dhe mendoj që 1.50 € nuk është shumë .

Hanumshahe Dibrani thekson:- ata të cilët janë me social a egzistojnë mundësia me u liruar nga pagesa.

Mehmet Ballazhi thekson:- nuk kemi asnjë mbështetje ligjore që mundemi me liruar dikend prej pagesës sepse asnjë ligj nuk na lejon me i fal borxh askujt.

Sherif Berisha thekson:- kemi kërkuar që t'i bëhet auditim kësaj kompanie dhe ende nuk i është bërë dhe kërkoj t'i bëhet.

Malik Berisha thekson:- këta që janë me kontratë të veçantë kompania Sharrcem dhe Terminali doganorë si do ta kenë çmimin.

Kryesuesi thekson:- a keni edhe ndonjë diskutim për këtë pikë të rendit të punës, nëse nuk ka e hedh në votim; rezultati i votimit ishte 13 për, 1 kundër, 1 abstenim.

U VOTUA RREGULLORJA PËR MENAXHIMIN E MBETURINAVE NË KOMUNËN E HANIT TË ELEZIT QË TË PËRCILLET PËR KUVEND

4.Raporti i progresit të zbatimit të rekomandimeve të auditorit për vitin 2021.

Kryesuesi thekson:- për këtë pikë të rendit të punës hapi diskutimin.

Lindita Ballazhi thekson:- për vitin 2021 kemi pasur nëntë të gjetura ku prej tyre gjashtë janë zbatuar plotësisht ndërsa, tre të tjera janë pjesërisht të zbatuara. Çështja e parë ka të bëjë me klasifikimi i shpenzimeve në kategorinë ekonomike jo përkatëse dhe gjatë vitit 2022 jemi munduar që pagesat të ekzekutohen në bazë të kodeve ekonomike të duhura dhe ky rekomandim është zbatuar plotësisht. Çështja e dytë ka të bëjë me mangësinë shpjeguese të pasqyrave vjetore financiare dhe kjo është zbatuar plotësisht. Çështja e tretë ka të bëjë në parregullsi në procedurat e rekrutimit të personelit dhe kjo është zbatuar plotësisht. Çështja e katërt ka të bëjë në mangësi në vlerësimin e tenderëve dhe kjo është zbatuar plotësisht. Çështja e pestë parregullsi në procedurat e subvencionit të projekteve dhe kjo është zbatuar plotësisht. Çështja e gjashtë ka të bëjë me nënshkrimi i kontratës publike pa zotim paraprak të mjeteve në SIMFK, si dhe lëshimi i urdhër blerjeve pas skadimit të kontratave dhe kjo e gjetur është pjesërisht e zbatuar. Çështja e shtatë ka të bëjë me parregullsinë në menaxhimin e pasurisë jo financiare dhe kjo është zbatuar plotësisht. Çështja e tetë ka të bëjë me rritjen e llogarive të arkëtueshme dhe kjo është zbatuar pjesërisht. Çështja e nëntë vonesa në regjistrim dhe pagesa të obligimeve dhe kjo është zbatuar pjesërisht.

Kryesuesi thekson:- a keni edhe ndonjë diskutim për këtë pikë të rendit të punës, nëse nuk ka kalojmë në pikën e radhës të parapri sipas agjendës.

5.Raporti i punës së komitetit për komunitete për vitin 2022.

Kryesuesi thekson:- për këtë pikë të rendit të punës hapi diskutimin, nëse nuk ka e hedh në votim; rezultati i votimit ishte njëzëri.

U MIRATUA RAPORTI I PUNËS SË KOMITETIT PËR KOMUNITETE PËR VITIN 2022

6. Raporti i punës së katër komiteteve konsultative për vitin 2022.

Kryesuesi thekson:- për këtë pikë të rendit të punës hapi diskutimin, nëse nuk ka e hedh në votim; rezultati i votimit ishte njëzëri.

U MIRATUA RAPORTI I PUNËS SË KATËR KOMITETEVE KONSULTATIVE PËR VITIN 2022

7.Propozim vendim për miratimin e iniciativës për bashkëpunim ndërkomunal ndërmjet komunave të regjionit Gjilanit dhe Ferizajt në fushën e menaxhimit të integruar të mbeturinave.

Kryesuesi thekson:- për këtë pikë të rendit të punës hapi diskutimin.

Arsim Dernjani thekson:-përveç materialit të cilin e kam përcjell diçka të veçantë nuk kam.

Refet Kalisi thekson:- çka përfitojnë qytetarët sa nga kjo marrëveshje që do të bëhet me komunat e Regjionit

Mehmet Ballazhi thekson:- është në nivelin regional dhe është ligjore , ndoshta ndonjë herë nuk përfitojmë por është ligjore. Edhe prej kompanisë së “Bifurkacionit” nuk jemi duke përfituar asgjë e ndoshta më mirë e kishim menaxhuar si komunë se kishim dituar çka me vepruar sepse një kërkesë shumë e vogël por procedurat burokratike por është ligjore.

Kryesuesi thekson:- a keni edhe ndonjë diskutim për këtë pikë të rendit të punës, nëse nuk ka e hedh në votim; rezultati i votimit ishte njëzëri.

U MIRATUA PROPOZIM VENDIMI PËR MIRATIMIN E INICIATIVËS PËR BASHKËPUNIM NDËRKOMUNAL NDËRMJET KOMUNAVE TË REGJIONIT DHE FERIZAJIT NË FUSHËN E MENAXHIMIT TË INTEGRUAR TË MBETURINAVE

8. Propozim vendim për shpalljen me interes të përgjithshëm të parcelave kadastrale.

Kryesuesi thekson:- për këtë pikë të rendit të punës hapi diskutimin.

Sherif Berisha thekson:- kërkoj që kjo pikë të hiqet nga rendi i ditës për shkak se asnjë anëtarë i kuvendit të komunës nuk ka informacion se pse komuna i ka shpallur me interes të përgjithshëm këto prona.

Nexhmedin Daci thekson:- me numrin rendorë një e keni një parcelë te stadiumi i futbollit “Suad Brava” për shkak se kur janë shpall me interes të përgjithshëm këto prona kjo parcele nuk është përfshirë në vendimin për shpalljen me interes të përgjithshëm dhe nëse kalon ky vendim duhet të bëjmë kërkesë në Qeveri me shpronësuar këtë parcelë për shkak se me atë pronë menaxhon AKP-ja. Me numrin rendorë dy i keni tri parcele të cilat vetëm do të shpallen me interes të përgjithshëm sepse atje për shkak se flitet se do të mbyllet ajo pika te fusha e futbollit dhe është paraparë një mbikalim i cili ka mundësi të kalon prapa objektit të doganës së Kosovës. Në pikën tre janë tri parcele të cilat janë paraparë për ndërtimin e shkollës në Lagje të Re. Në pikën katër i keni gjashtë parcele të cilët janë te Ura e Fezës sepse ekziston një variant për ndërtimin e mbikalimit.

Zaim Bela thekson:- sa kalime legale dhe ilegale janë në projektin e hekurudhës e cila po ndërtohet . Kalimi te Lagja Rana është ilegalë dhe pse mos me u përfshirë edhe Lagja Rana pasi është tu ndërtuar mbikalimi që ato banorë me dalë te Ura e Fezës . Mbikalimi te fusha e sportit kalojke vetëm te ata parcelat të cilat bien mbi hekurudhë dhe është mirë që në atë pjesë me u lidhë edhe fshati Seçishtë . Është mirë të shpallet me interes të përgjithshëm edhe rruga për shkak se fshati Paldenicë e ka vetëm një dalje për shkak se nuk di që ka ndonjë problem ajo rruga deri te Policia . Sa i përket parcelës për ndërtimin e shkollë a keni informacion se sa është paguar ajo pronë. Për këtë pikë të rendit të punës nuk do të votojë për.

Refet Kalisi thekson:- te parcelat te fusha e sportit e cila është pronë INA OKIT ju e dini që disa parcele janë kontestuese është mirë me i identifikuar pronarët . Pjesa poshtë e cila kërkohet me u shpronësuar që del te Vlasht a është për mbikalim për shkak të pikës që mbyllet te hekurudha është mirë që të na sqaroni. Mbikalimi që planifikohet te pronat te Ura e Fezës a do të jetë për vetura apo vetëm për këmbësorë . Pronën që planifikohet për ndërtim të shkollës unë mendoj se mundet me u bartë në emër të komunës dhe nëse nuk bëhen mjetet është mirë që me kompensuar me mjete të komunës.

Mehmet Ballazhi thekson:- secili ka të drejtë me votuar pro kundër ose abstenim por me arsyetimet që do të ipen besoj që do ta ndryshoni mënyrën e votimit . Fillimisht duhet të shpallen me interes të përgjithshëm për shkak se nëse nuk i shpallim me interes të përgjithshëm nuk mund të ndërmarrim asnjë hap tjetër për shkak se realizmi i projekteve varet prej buxhetit. Sot patëm takim me zëvendës ministrin e infrastrukturës dhe këto të cilat po i flasim janë me interes vital. Te Lagja Ranaj është vend kalim ilegal po ashtë edhe të “Bllaca 99” është vend kalim ilegal dhe kemi nevojë për këtë për shkak se ka qenë edhe kërkesë e qytetarëve. Sipas projekteve ideore janë dy ura të projektuara të cilat kushtojnë mbi një milion euro dhe nuk kemi buxhet për me i realizuar dhe pa pasur projekt nuk kemi të drejtë me parashtruar kërkesë në Ministrin përkatëse . Edhe

nëse komuna e ka të hartuar projektin por nëse nuk e ka të shpallur me interes publik nuk mund të realizohet projekti . Çështja e pronës për të shkolla iniciativa është e përkrahur edhe nga kryetari dhe është miratuar edhe në kuvend projekti për ndërtimin e shkollës . Ne jemi duke u mundur që qytetarët ta shpronësojmë për shkak të mungesës së mjeteve financiare në mënyrë që me ja kaluar komunës. Në momentin që qytetarët nuk munden me paguar të tërën do të mundohemi përmes komunës dhe për atë duhet të shpallet me interes të përgjithshëm.

Nexhmedin Daci thekson:- pronat private figurojnë në emër të INA OKIT dhe qytetarët nëse e fitojnë me gjykatë AKP-ja ua kryen pagesën. Çështjen e projektit të rrugës së Paldenicës në këtë vit nuk ka mundësi me u realizuar.

Ibadete Kalisi thekson:- nëse ndërtohet mbikalimi te Vlashtë çka do të bëhet me banorët.

Nexhmedin Daci thekson:-nuk ka asgjë konkrete për momenti por aty janë tri parcele të AKP-së por vetëm janë opsione dhe nuk ka vendim konkretë.

Kryesuesi thekson:- a keni edhe ndonjë diskutim për këtë pikë të rendit të punës, nëse nuk ka e hedh në votim; rezultati i votimit ishte 10 për , 5 abstenim.

U MIRATUA PROPOZIM VENDIMI PËR SHPALLJEN ME INTERES TË PËRGJITHSHËM TË PARCELAVE KADASTRALE

9. Informatë për aktivitetet e këshillit komunal për siguri në bashkësi për vitin 2022.

Kryesuesi thekson:- për këtë pikë të rendit të punës hapi diskutimin.

Mehmet Ballazhi thekson:-përveç materialit të cilin e kemi përcjell diçka të veçantë nuk kam.

Resul Suma thekson:- a është e vërtetë që më shumë se gjysma e kamerave të qytetit nuk janë funksionale dhe përgjegjësi e kujt është.

Mehmet Ballazhi thekson:- e kemi diskutuar edhe çështjen e kamerave dhe komuna ka planifikuar mjete financiare edhe për çështje të kamerave dhe e kemi diskutuar me policin për pikat që do të vendosen kamerat. Për çështje të kamerave kemi parashtruar kërkesë në Ministri të Punëve të Brendshme por nuk e kanë marr përsipër.

Natyra Kalisi thekson:- jemi në pritje të nënshkrimit të kontratës dhe kryetari ka vendosur me ndihmuar policin për shkak se ata kanë parashtruar kërkesë në komunë për këtë çështje.

Zaim Bela thekson:- policia e vijës së gjelbërt i kanë disa kamera mobile të cilat i vendosin kur kanë ndonjë rrezik diku. Është mirë me i vendos në vende të caktuara që janë me rrezikshmëri.

Mehmet Ballazhi thekson:- është vështirë që policia me i vendosë kamerat mobile për shkak se nuk kanë kapacitete. Ne kemi kërkuar që edhe te parku i qytetit polica me shkuar më shpesh.

Sherif Berisha thekson:-unë mendoj që policia e ka të drejtë për grup moshat e reja që në orë 23 apo 24 me i legjitimuar dhe me ju rekomanduar që me shkuar në shtëpi.

Mehmet Ballazhi thekson:- është cenim i të drejtës së lëvizjes së lirë të qytetarëve për shkak se ligji ua lejon. Sa për legjitimim sipërfaqësisht ndoshta munden me bërë por ne po mundohemi përmes kamerave dhe përmes edukimit përmes shkollave.

Refet Kalisi thekson:- a është shpallur tender për kamera të reja apo për mirëmbajtjen e kamerave të vjetra sepse janë kamerat dhe është mirë mos me investuar shumë por me i riparuar.

Natyr Kalisi thekson:- disa kamera janë jashtë funksionit por janë edhe disa kamera të cilat kanë me u rifunksionizuar për shkak se ju mungon programimi. Në disa pika që ka kërkuar policia do të vendosen kamera.

Kryesuesi thekson:- a keni edhe ndonjë diskutim për këtë pikë të rendit të punës, nëse nuk ka kalojmë në pikën e radhës të paraprirë sipas agjendës.

10. Informatë për aktivitetet e këshillave të fshatrave të komunës së Hanit të Elezit për vitin 2022.

Kryesuesi thekson:- për këtë pikë të rendit të punës hapi diskutimin.

Natyr Kalisi thekson:- në material i kemi paraqitur numrin e mbledhjeve të cilat janë mbajtur . Për vitin 2022 janë mbajtur gjashtë mbledhje . Këshillat e fshatrave janë duke u kompensuar prej komunës.

Kryesuesi thekson:- a keni edhe ndonjë diskutim për këtë pikë të rendit të punës, nëse nuk ka kalojmë në pikën e radhës të paraprirë sipas agjendës.

11. Të ndryshme.

Kryesuesi thekson:- për këtë pikë të rendit të punës hapi diskutimin.

Resul Suma thekson:- kontrata e stomatologut dhe teknikës që paguhet prej kompanisë “Sharrcem” shënon prej muajit tetor deri në fund të muajit mars por ata kanë filluar në muajin dhjetorë apo në janar. A ka mundësi që ajo kontratë me u vazhduar për shkak se qytetarët janë shumë të kënaqur me atë shërbim dhe deri në muajin e kaluar afër 500 pacientë brenda këtyre muajve kanë kryer shërbime. Në QKMF janë të ndarë në dy pjesë dhe ka dallime edhe në shërbime dhe më vjen shumë keq për shkak se ata duhet ta kenë etikën e vetë si infermierë apo si mjekë në mënyrë që mos me dalluar pacientin . Ka ankesë nga qytetarët për pastrimin e plagëve të cilat bëhen vetëm para dite dhe nuk mund të ja caktojmë pacientit që mos me lënduar këmbën se nuk mundësh pasdite me kryer shërbim.

Mehmet Ballazhi thekson:- i kemi diskutuar këto çështje dhe nuk di që ka dallime ndoshta mund të ketë në aspektin moral të tyre dhe ne në shpirt nuk mundemi mi ndërhyjë askujt por nëse ka ndonjë ankesë që ka të bëjë me ndasinë atëherë merremi ne si institucion. Për çështjen e stomatologut jemi marr vesh me kompaninë Sharrcem që për një vit t'i vazhdohet stomatologut dhe infermieres . Sa i përket pastrimit të plagëve unë mendoj se të drejtë kanë që njëzet e katër orë por duhet ta kemi parasysh se është emergjencë ajo dhe nëse unë kam një plagë shkoj e pastroj paradite ndërsa në raste emergjente që ndodhë diçka kryhen shërbime. Ka raste që tërë ditën rrinë pastaj pas orës katër shkon me pastruar plagën që unë mendoj që nuk është emergjente.

Malik Berisha thekson:- pastrimi i plagëve bëhet nga ora shtatë e mëngjesit deri në ora 15:00 dhe nëse vjen dikush që e ka pastruar plagën brenda orari dhe vjen një ditë tjetër në urgjencë ne e krijojmë edhe një infeksion tjetër për shkak se janë sterile mjetet që punohet dhe nuk ka mundësi që në ora njëzet e dy me ardhur dhe me bërë pastrimin e rregullt të plagës për shkak se ja shkakton edhe një infeksion.

Sherif Berisha thekson:-kërkoj nga drejtoria për shëndetësi që të na njofton për bisedat të cilat i ka pasur me Islamik Relief për çështje e stafit. Gjatë kohës që motrat kanë qenë pushim te shërbimi i vaksinimit drejtori i arsimit e dërgojnë fëmijët e vetë dhe i vaksinonjë dhe mendoj që edhe qytetarët ta kesin atë të drejtë e jo vetëm drejtorët për shkak se pozitat nuk janë të përjetshme.

Kimete Kuka -Hasallari thekson:- sa i përket Islamik Reliefit kanë potencuar se nuk kanë interesim për me i mbështetur institucionet me staf sepse politikat e tyre kanë ndryshuar dhe mjetet financiare të cilat i kam ndarë për “Islamik Relief” i kam zhvilluar procedurat e prokurimit që të rekrutojmë staf me infermierë dhe një mjek. Te çështja e vaksinimit informata është e gabuar për shkak se e kemi pasur motrën me kontratë në vepër dhe e ka zëvendësuar motrën e cila jep vaksina që ka shkuar në pushim mjekësorë. Motra e cila jep vaksina ka shkuar në pushim pa paralajmërim dhe e kam ftuar që nuk guxon me nejtë sektori i vaksinimit për deri sa e kemi motrën në fjalë.

Sherif Berisha thekson:- nëse është shkuar në pushim pa miratim është mirë që të merrni masa dhe atë që e potencoj z. Resul Suma është e vërtetë që QKMF-ja është e ndarë në dy pjesë dhe është mirë me pasur një disiplinë duke filluar prej orarit të punës.

Hisni Luri thekson:-nuk ka diçka të keqe nëse nuk ka qenë një motër ka qenë një tjetër dhe nuk kam këmbëngulur por më është dashur me vaksinuar atë ditë për shkak se të nesërmen ishte ditë pushimi dhe unë kam pasur agjendë për me shkuar në trajnim. Ju e dini që njëzet e katër orë pas vaksinimit duhet të jem në mënyrë që me qenë afër sepse ka mundësi me pasur temperaturë e mos me mbetur pa përkujdesje prindërore.

Hanumshahe Dibrani thekson:- te rruga Lepenci që është rregulluar parku a do të hiqet dhoma e pritjes e cila është.

Mehmet Ballazhi thekson:- për momentin nuk priset dhe do të shikohem mundësit në të ardhmen.

Refet Kalisi thekson:- te rruga te lagja Ballazhi në Puset e Nikës kishte nevojë për mure shumë dhe nëse ka nevojë për me u shtuar buxhet është mirë me shtuar në mënyrë që të bëhet mirë. Te parku “Isa Berisha “ janë bërë shumë dëme dhe është mirë në të ardhmen me pasur një mirëmbajtës.

Mehmet Ballazhi thekson:- jemi duke u mundur që çdo projekt që bëhet me u bërë konformë standardeve që kërkohet dhe për shkak të mungesës së mjeteve financiare që ka ndodhur me ngritjen e çmimeve të materialeve është bërë në disa pjesë dhe muret mundemi mi rregulluar edhe më vonë.

Erblin Meliqi thekson:- të bëhet vendosja e pasqyrave rrugore në Lagjen Meliq. Shtimi i ndriçimit publik te rruga Veteranët e Luftës.

Arsim Dernjani thekson:- për pasqyra për momentin nuk kemi ndonjë plan për shkak të mjeteve , ndërsa për çështje të ndriçimit publik do të mundohemi me kryer.

Malik Berisha thekson:- sa infermierë dhe sa mjekë do të pranohen. Sa i përket vaksinimit në Han të Elezit është 95 % , ndërsa në nivel të Kosovës 94 % qo do të thotë që kjo vlerësohet.

Kimete Kuka -Hasallari thekson:- kemi zhvilluar procedurat përmes prokurimit dhe varet se cila organizatë konkuronë.

Sherif Berisha thekson:- pse nuk është pranuar në çerdhe fëmija i z.Kushtrim Loku.

Hisni Luri thekson:- në çerdhe është një rregullore për pranimin e fëmijëve dhe përmes asaj shpallet konkursi dhe nuk e di arsyen për këtë rast dhe nëse është plotësuar numri nuk ka pasur hapësirë më shumë ndoshta po sido qoftë do të interesohem për këtë çështje.


Kryesuesi thekson:- a keni edhe ndonjë diskutim për këtë pikë të rendit të punës, nëse nuk ka shpalli të mbyllur mbledhjen.

Ju faleminderit për pjesëmarrje.

Mbledhja përfundoi në ora 12:56.

Procesmbajtësi

Avni Bushi



Kryesuesi i Kuvendit
Florim Shkreta